

5. Ovo rješenje je konačno.

Broj 01-02.7-059-3452/18
12. decembra 2018. godine
Sarajevo

Direktor
Dinko Musulin, s. r.

Agencija za nadzor osiguranja Federacije Bosne i Hercegovine, postupajući po zahtjevu Vakufske banke d.d. Sarajevo, ul. Maršala Tita broj 13, Sarajevo, na temelju članka 200. Zakona o upravnom postupku Federacije Bosne i Hercegovine ("Službene novine Federacije BiH", br. 2/98 i 48/99) i članka 6. stavak 2. Zakona o posredovanju u privatnom osiguranju ("Službene novine Federacije BiH", br. 22/05, 8/10 i 30/16), donosi

RJEŠENJE

1. Ukida se Rješenje Agencije za nadzor osiguranja Federacije Bosne i Hercegovine broj 1.0.-021-308/17 od 31.03.2017. godine o odobrenju obavljanja poslova zastupanja u osiguranju i Rješenje Agencije za nadzor osiguranja Federacije Bosne i Hercegovine broj 1.0.-021-308-1/17 od 31.03.2017. godine o upisu u registar fizičkih lica zastupnika u osiguranju-podregistar zastupnika fizičkih lica.
2. Briše se iz registra fizičkih lica zastupnika u osiguranju-podregistra zastupnika fizičkih lica Mirza Šečić iz Ilijaša, ul. Polomska do 27, Ilijaš, kao zaposlenik Vakufske banke d.d. Sarajevo, upisan pod brojem PZFL 545.
3. Brisanje je izvršeno sa danom 28.10.2018. godine.
4. Izreka ovog Rješenja objavit će se u "Službenim novinama Federacije BiH".
5. Ovo rješenje je konačno.

Broj 01-02.7-059-3452/18
12. prosinca 2018. godine
Sarajevo

Direktor
Dinko Musulin, v. r.

Агенција за надзор осигурања Федерације Босне и Херцеговине, поступајући по захтјеву Вакуфске банке д.д. Сарајево, ул. Маршала Тита број 13, Сарајево, на основу члана 200. Закона о управном поступку Федерације Босне и Херцеговине ("Службене новине Федерације БиХ", бр. 2/98 и 48/99) и члана 6. став 2. Закона о посредовању у приватном осигурању ("Службене новине Федерације БиХ", бр. 22/05, 8/10 и 30/16), доноси

РЈЕШЕЊЕ

1. Укида се Рјешење Агенције за надзор осигурања Федерације Босне и Херцеговине број 1.0.-021-308/17 од 31.03.2017. године о одобрењу обављања послова заступања у осигурању и Рјешење Агенције за надзор осигурања Федерације Босне и Херцеговине број 1.0.-021-308-1/17 од 31.03.2017. године о упису у регистар физичких лица заступника у осигурању-подрегистар заступника физичких лица.
2. Брише се из регистра физичких лица заступника у осигурању-подрегистра заступника физичких лица Мирза Шечић из Илијаша, ул. Полomsка до 27, Илијаш, као запосленик Вакуфске банке д.д. Сарајево, уписан под бројем ПЗФЛ 545.
3. Брисање је извршено са даном 28.10.2018. године.
4. Диспозитив овог Рјешења објавит ће се у "Службеним новинама Федерације БиХ".
5. Ово рјешење је коначно.

Број 01-02.7-059-3452/18
12. децембра 2018. године
Сарајево

Директор
Динко Мусулин, с. р.

1951

Na osnovu čl. 63. stav (2), 130. i 144. Zakona o osiguranju ("Službene novine Federacije BiH", broj 23/17), člana 19. tačka d) Zakon o osiguranju od odgovornosti za motorna vozila i ostale odredbe o obveznom osiguranju od odgovornosti ("Službene novine Federacije BiH", broj 24/05), člana 13. stav (1) Zakon o posredovanju u privatnom osiguranju ("Službene novine Federacije BiH", broj 22/05) i člana 12. Statuta Agencije za nadzor osiguranja Federacije Bosne i Hercegovine ("Službene novine Federacije BiH", broj 84/17), Stručni savjet Agencije za nadzor osiguranja Federacije Bosne i Hercegovine, na 21. sjednici održanoj 04.12.2018. godine, donosi

PRAVILNIK**O STATISTIČKIM STANDARDIMA I OBLICIMA FINANSIJSKOG IZVJEŠTAVANJA U OSIGURANJU****I. OPĆE ODREDBE**

Član 1.

(Predmet)

Ovim pravilnikom bliže se propisuju statistički standardi za obradu podataka o poslovima osiguranja, odnosno reosiguranja, rizicima koje pokriva osiguranje odnosno reosiguranje, evidencijama šteta, te oblici finansijskog izvještavanja društva za osiguranje, društva za reosiguranje, posrednika u osiguranju i Zaštitnog fonda Federacije Bosne i Hercegovine (u daljem tekstu: obaveznik izvještavanja).

Član 2.

(Dužnosti obaveznika izvještavanja)

- (1) Obaveznik izvještavanja je dužan voditi i obrađivati statističke podatke o broju polica/ osiguranja, premiji i štetama po vrstama osiguranja/rizika u skladu s Odlukom o rasporedu vrsta rizika po grupama i vrstama osiguranja ("Službene novine Federacije BiH", broj 82/17).
- (2) Obaveznik izvještavanja iz člana 1. ovog Pravilnika dužan je dostavljati izvještaje Agenciji za nadzor osiguranja Federacije Bosne i Hercegovine (u daljem tekstu: Agencija za nadzor) na način i u rokovima propisanim podzakonskim aktima. Kriterij pripadnosti podataka izvještajnom periodu jeste datum knjigovodstvenog evidentiranja u poslovnim knjigama obaveznika izvještavanja.
- (3) Odredbe ovog Pravilnika dužna je primjenjivati i podružnica društva za osiguranje sa sjedištem u Republici Srpskoj (u daljem tekstu: podružnica).

II. DRUŠTVA ZA OSIGURANJE I REOSIGURANJE**DIO A: Podaci o policama osiguranja i premiji**

Član 3.

(Polica osiguranja)

- (1) Društvo za osiguranje (u daljem tekstu: društvo) je dužno dostavljati podatke o broju polica osiguranja po rizicima, odnosno vrstama osiguranja na statističkim izvještajima i to obrasci: 1-M-F, 6-K-F, 7-K-F, 1-G-F i 7-G-F.
- (2) Podružnica je dužna dostavljati podatke o broju polica osiguranja po rizicima, odnosno vrstama osiguranja na statističkim izvještajima i to obrasci: 1-M-RS, 1-G-RS i 4-G-RS.

Član 4.

(Broj osiguranja i osiguranika)

- (1) Društvo je dužno dostavljati podatke o broju osiguranja za životna osiguranja putem statističkog izvještaja na Obrascu 3-G-F i 8-G-F.
- (2) Podružnica je dužna dostavljati podatke o broju osiguranja za životna osiguranja putem statističkog izvještaja na Obrascu 3-G-RS i 5-G-RS.

Član 5.

(Premija osiguranja)

- (1) Društvo je dužno dostavljati podatke o premiji osiguranja po rizicima, odnosno vrstama osiguranja na statističkim izvještajima i to obrasci: 1-M-F, 1-K-F, 6-K-F, 7-K-F, 1-G-F i 7-G-F.
- (2) Podružnica je dužna dostavljati podatke o premiji osiguranja po rizicima, odnosno vrstama osiguranja na statističkim izvještajima i to obrasci: 1-M-RS, 1-G-RS i 4-G-RS.
- (3) Premija neživotnih osiguranja iz st. (1) i (2) ovog člana predstavlja obračunatu premiju umanjenu za iznos predanog saosiguranja, a uvećanu za iznos primljenog saosiguranja. Premija životnih osiguranja predstavlja naplaćenu premiju.
- (4) Društvo za reosiguranje je dužno dostavljati podatke o premiji reosiguranja po vrstama osiguranja putem statističkog izvještaja na obrascu 1R-K-F.

DIO B: Podaci o štetama

Član 6.

(Štete)

- (1) Društvo je dužno dostavljati podatke o štetama po rizicima, odnosno vrstama osiguranja na statističkim izvještajima i to obrasci: 2-M-F, 2-K-F, 3-K-F, 2-G-F, 9-G-F, 10-G-F, 11-G-F, 12-G-F, 13-G-F, 14-G-F, 15-G-F, 16-G-F i 18-G-F.
- (2) Podružnica je dužna dostavljati podatke o štetama po vrstama osiguranja na statističkim izvještajima i to na obrascima: 2-M-RS i 2-G-RS.
- (3) Podaci o štetama neživotnih osiguranja iz st. (1) i (2) ovog člana predstavljaju štete umanjene za iznos štete po predanom saosiguranju, a uvećanu za iznos štete po primljenom saosiguranju.
- (4) Podatke o štetama, društvo za reosiguranje iskazuje na statističkim izvještajima na obrascima: 2R-K-F i 3R-K-F.

DIO C: Tehničke rezerve

Član 7.

(Rezerve)

- (1) Društvo je dužno dostavljati podatke o tehničkim rezervama po rizicima, odnosno vrstama osiguranja na statističkim izvještajima i to obrasci: 2-M-F, 1-K-F, 3-K-F, 5-K-F, 1-G-F, 2-G-F, 6-G-F i 18-G-F.
- (2) Podružnica je dužna dostavljati podatke o tehničkim rezervama po vrstama osiguranja na statističkim izvještajima i to na obrascima: 2-M-RS, 1-G-RS i 2-G-RS.
- (3) Podatke o tehničkim rezervama, društvo za reosiguranje iskazuje na statističkim izvještajima na obrascima: 1R-K-F, 3R-K-F i 1R-G-F.

DIO D: Troškovi osiguranja

Član 8.

(Troškovi)

Društvo dostavlja podatke o troškovima pribave i uprave na statističkim izvještajima u obrascima 6-K-F, 7-K-F i 5-G-F, koji moraju odgovarati podacima iskazanim u finansijskim izvještajima društva.

DIO E: Stroga evidencija

Član 9.

(Stroga evidencija)

Društvo je dužno dostavljati podatke o strogoj evidenciji na statističkom izvještaju i to obrazac: 4-K-F.

DIO F: Regresna potraživanja

Član 10.

(Regresna potraživanja)

Društvo je dužno dostavljati podatke o regresnim potraživanjima na statističkom izvještaju i to obrazac: 4-G-F.

DIO G: Kvalifikaciona struktura

Član 11.

(Kvalifikaciona struktura)

- (1) Društvo je dužno dostavljati podatke o kvalifikacionoj strukturi na statističkom izvještaju i to obrazac: 17-G-F.
- (2) Podružnica je dužna dostavljati podatke o kvalifikacionoj strukturi na statističkom izvještaju i to obrazac: 6-G-RS.
- (3) Podatke o kvalifikacionoj strukturi, društvo za reosiguranje iskazuje na statističkom izvještaju i to obrazac: 2R-G-F.

DIO H: Finansijski izvještaji

Član 12.

(Finansijski izvještaji)

Društvo za osiguranje i društvo za reosiguranje dostavlja podatke o pozicijama iz finansijskih izvještaja na obrascima: 1F-K-F, 2F-K-F, 3F-K-F, 4F-K-F, 5F-K-F, 6F-K-F, 7F-K-F, 8F-K-F, 9F-K-F, 10F-K-F, 11F-K-F i 12F-K-F.

III. POSREDNICI U OSIGURANJU

Član 13.

(Izvještaji posrednika)

Posrednik u osiguranju je dužan dostavljati podatke o broju polica osiguranja, premiji osiguranja i proviziji po društvima za osiguranje, zaključenim ugovorima i uposlenicima na obrascima: POS1-PG-F, POS2-PG-F, POS1-G-F, POS2-G-F i POS3-G-F. Posrednik u osiguranju dostavlja podatke o pozicijama iz finansijskih izvještaja na obrascima: POS1-K-F i POS2-G-F.

IV. ZAŠTITNI FOND

Član 14.

(Izvještaji Zaštitnog fonda)

Zaštitni fond je dužan dostavljati podatke o štetama i regresnim potraživanjima na obrascima: ZF1-K-F, ZF2-K-F, ZF3-K-F i ZF4-K-F. Zaštitni fond dostavlja podatke o pozicijama iz finansijskih izvještaja na obrascima: ZF1F-G-F, ZF2F-G-F, ZF3F-G-F, ZF4F-G-F i ZF5F-G-F.

V. TEHNIČKA UPUTSTVA I DEFINICIJE

Član 15.

(Tehnička uputstva)

- (1) Način izrade i dostave obrazaca definisanih ovim Pravilnikom su određeni u tehničkim uputstvima koja su objavljena na web stranici Agencije za nadzor: www.nados.ba.
- (2) E-mail adresa za dostavu elektronskih obrazaca je xml@nados.ba.
- (3) Društva su dužna odrediti jednu e-mail adresu sa koje će dostavljati sve elektronske obrasce i o istoj informisati Agenciju za nadzor u roku od 15 dana od stupanja na snagu ovog Pravilnika.

Član 16.

(Definicije pojmova)

Pojmovi koji se koriste u svim obrascima definisani su u Pojmovniku koji je sastavni dio ovog Pravilnika.

VI. ZAVRŠNE ODREDBE

Član 17.

(Stavljanje van snage)

Stupanjem na snagu ovog Pravilnika prestaje da važi Pravilnik o statističkim standardima za osiguranje ("Službene novine Federacije BiH", broj 27/18).

Član 18.

(Stupanje na snagu)

Ovaj pravilnik stupa na snagu 01.01.2019. godine i primjenjuje za izvještajne periode počev od 01.01.2019. godine.

Broj 021-3342-4/18
04. decembra 2018. godine
Sarajevo

Predsjednik
Stručnog savjeta
Mr. sci. **Edita Kalajdžić**, s. r.

**DEFINICIJE POJMOVA
UZ PRAVILNIK O STATISTIČKIM STANDARDIMA I
OBLICIMA FINANSIJSKOG IZVJEŠTAVANJA U
OSIGURANJU**

Redni broj	Pojam	Definicija
1	FBiH	Realizovano od strane društva za osiguranje u FBiH
2	RS	Realizovano od strane podružnice društva za osiguranje iz FBiH
3	Broj osiguranja/polica	Predstavlja kod neživotnih osiguranja broj preuzetih vrsta rizika u osiguranje u skladu sa Odlukom o rasporedu vrsta rizika po grupama i vrstama osiguranja (Sl. novine br. 82/17). Kod poslova saosiguranja svi nosioci rizika po polici saosiguranja unose broj osiguranja/polica, tj. i lider i član brojčano iskazuju broj vrsta rizika. Predstavlja kod životnih osiguranja broj preuzetih vrsta rizika u osiguranje za sve aktivne police u skladu sa Odlukom o rasporedu vrsta rizika po grupama i vrstama osiguranja (Sl. novine br. 82/17).
4	Premija	Obračunata bruto premija neživotnih osiguranja je iznos policirane premije u tekućem obračunskom periodu na period najduže do godinu dana bez obzira da li se iznos odnosi u cjelosti ili djelimično na naredni obračunski period, navedeni iznos je umanjn/uvećan za predatao/ primljeno saosiguranje. Obračunata bruto premija životnih osiguranja koja uključuje sve iznose premija koji su naplaćeni do kraja obračunskog perioda (stvarno naplaćena premija uključujući naplaćeni dio djelimično naplaćenih rata), bez obzira da li se ti iznosi u cjelosti ili djelimično odnose na kasniji obračunski period ili periode, dospjele djelimično naplaćene rate mogu se smatrati naplaćenim ukoliko je naplaćeno najmanje 50% rate.
5	Prijavljene štete - broj	Broj šteta koje su rezervisane na 31.12. prethodne godine uvećan za prijavljene (štete prvi put prijavljene) i reaktivirane štete (štete koje su nastale i radi nadoknade bile prijavljene i riješene u nekom prethodnom obračunskom periodu, pa su ponovo otvorene u tekućoj godini) u toku izvještajnog perioda.
6	Rezervisane štete (rezervacija za nastale i prijavljene štete) - broj	Broj neriješenih prijavljenih šteta za koje se na dan obračuna (zadnji dan izvještajnog perioda) vrši procjena rezervisanog iznosa.
7	Rezervisane štete (rezervacija za nastale i prijavljene štete) - iznos	Iznos neriješenih prijavljenih šteta za koje se na dan obračuna (zadnji dan izvještajnog perioda) vrši procjena rezervisanog iznosa.
8	Riješene štete - broj - odbijene	Predstavlja broj odbijenih šteta gdje su odbijene štete štete po kojima je obrađeni iznos koji je isplaćen prema osiguraniku, oštećenom ili ugovaratelju osiguranja jednak nuli, dok se dodatni troškovi koje je društvo imalo prilikom utvrđivanja osnovanosti ili visine šteta, a koji se plaćaju trećim licima, tretiraju kao odbijene štete sa iznosom koji je veći od nula.
9	Riješene štete - broj - isplaćene	Predstavlja broj isplaćenih šteta gdje su isplaćene štete štete koje su konačno isplaćene uz uslov da na dan na koji se posmatraju ne postoji osnov za daljnju isplatu na osnovu obaveze osiguravača.
10	Riješene štete - isplaćeni iznos	Predstavlja iznos isplaćenih šteta, djelimično isplaćenih šteta gdje djelimično isplaćene štete su štete kod kojih postoji mogućnost daljih isplata na osnovu obaveze osiguravača (što uključuje i direktne troškove obrade šteta, ako se ne vode odvojeno) i iznos dodatnih troškova koje je društvo imalo prilikom utvrđivanja osnovanosti ili visine odbijenih šteta, a koji se plaćaju trećim licima.
11	Rezijski dodatak	Predstavlja dio policirane premije izračunat u skladu sa internim aktom društva za osiguranje, odnosno dio

		policirane premije koji služi za pokriće svih troškova poslovanja osim troškova vezanih za štete, preventivu i vatrogasni doprinos.
12	Obrađene štete u redovnom postupku - broj	Broj šteta kod kojih je utvrđen pravni osnov i iznos obaveze osiguravača za sve štete koje nisu rješavane sudskim putem.
13	Obrađene štete u redovnom postupku - iznos	Iznos šteta kod kojih je utvrđen pravni osnov i iznos obaveze osiguravača za sve štete koje nisu rješavane sudskim putem.
14	Obrađene štete u sporu - broj	Broj šteta kod kojih je utvrđen pravni osnov i iznos obaveze osiguravača za sve štete koje su rješavane sudskim putem.
15	Obrađene štete u sporu - iznos	Iznos šteta kod kojih je utvrđen pravni osnov i iznos obaveze osiguravača za sve štete koje su rješavane sudskim putem.
16	Obrađene a neisplaćene štete na kraju perioda podnošenja izvještaja	Štete koje su obrađene, ali do dana izvještaja nisu riješene.
17	Tehnička premija	Predstavlja dio policirane premije izračunat u skladu sa internim aktom društva za osiguranje koji služi za pokriće svih direktnih i indirektnih troškova vezanih za naknade oštetnih zahtjeva.
18	Preventivu	Predstavlja dio policirane premije izračunat u skladu sa internim aktom društva za osiguranje.
19	Udio reosiguranja premija/štete	Dio policirane premije/dio iznosa štete predat u reosiguranje u skladu sa zaključenim ugovorom o reosiguranju.
20	Bruto prenosna premija	Predstavlja dio premije koji se izračunava za one ugovore o osiguranju kod kojih osiguravajuće pokriće traje i nakon kraja obračunskog perioda budući da se osiguravajući i obračunski periodi ne poklapaju.
21	Udio reosiguranja u bruto prenosnoj premiji	Predstavlja udio reosiguravača u bruto prenosnoj premiji izračunat u skladu sa zaključenim ugovorom o reosiguranju koji je važio na datum izdavanja police osiguranja za koju se obračunava prenosna premija.
22	Isplaćene štete od obrađenih u ranijim godinama (obveze 01.01. tekuće godine) - broj	Broj šteta kod kojih je utvrđen pravni osnov i iznos obaveze osiguravača u prethodnom obračunskom periodu (obaveza na dan 31.12. prethodne godine), a koje su plaćene u tekućem obračunskom periodu
23	Isplaćene štete od obrađenih u ranijim godinama (obveze 01.01. tekuće godine) - iznos	Iznos šteta kod kojih je utvrđen pravni osnov i iznos obaveze osiguravača u prethodnom obračunskom periodu (obaveza na dan 31.12. prethodne godine), a koje su plaćene u tekućem obračunskom periodu.
24	Obrađene a neisplaćene štete na kraju obračunskog perioda broj	Broj šteta kod kojih je utvrđen pravni osnov i iznos obaveze osiguravača, a koje na dan izvještaja nisu bile plaćene.
25	Obrađene a neisplaćene štete na kraju obračunskog perioda iznos	Iznos šteta kod kojih je utvrđen pravni osnov i iznos obaveze osiguravača, a koje na dan izvještaja nisu bile plaćene.
26	U redovnom postupku	Štete koje se rješavaju vansudskim putem.
27	U sporu	Štete koje se rješavaju putem suda.
28	Rezerve za nastale neprijavljene štete	Rezerva za štete koje su nastale i nisu prijavljene do kraja obračunskog perioda za koje se utvrđuje šteta (IBNR).
29	Matematička rezerva na kraju perioda	Matematičku rezerva je rezerva koja se formira za sve dugoročne ugovore o osiguranju lica kod kojih se kumuliraju sredstva štednje ili sredstva za pokriće povećanih rizika u kasnijim godinama osiguranja, a posebno za: a) životna osiguranja, b) druga osiguranja kod kojih se upotrebljavaju tablice vjerovatnoće i obračuni kao u životnim osiguranjima (npr. zdravstveno osiguranje s višegodišnjim trajanjem ako je premija osiguranja nezavisno o starosti jednaka za cijelo vrijeme trajanja osiguranja). Matematička rezerva na kraju perioda je rezerva čiji je obračun izvršen na dan izvještaja.

30	Udio u dobiti na kraju perioda	Udio u dobiti predstavlja iznos rezervacije koju društvo za osiguranje oblikuje za udio u dobiti za sve dugoročne ugovore o osiguranju života kod kojih se kumuliraju sredstva štednje. Rezerva za udio u dobiti mora biti dovoljna da omogućiti ostvarenje predviđenog sudjelovanja u dobiti. Iznos rezervacije za udio u dobiti je sadržan u matematičkoj rezervi.
31	ID posrednika u osiguranju	ID posrednika u osiguranju predstavlja identifikacioni broj dodjeljen prilikom registracije, sastoji se od trinaest cifara.
32	Naziv posrednika u osiguranju	Naziv posrednika u osiguranju predstavlja naziv posrednika pod kojim je isti registrovan, odnosno koji je naveden u Registrima posrednika koji vodi Agencija za nadzor FBiH.
33	Ukupno naplaćena premija osigurana	Ukupno naplaćena premija osiguranja predstavlja iznos premije koju je društvo za osiguranje naplatilo u izvještajnom periodu bez obzira na datum izdavanja police osiguranja.
34	Ukupno fakturisana provizija	Ukupno fakturisana provizija predstavlja iznos provizije koji je posrednik u osiguranju fakturisao društvu za osiguranje u izvještajnom periodu.
35	Ukupno isplaćena provizija	Ukupno isplaćena provizija predstavlja iznos provizije koju je društvo za osiguranje isplatilo posredniku u osiguranju u izvještajnom periodu bez obzira kada je nastala obaveza za istu.
36	Amortizacija	Amortizacija predstavlja ukupni iznos amortizacije konto 444 - Amortizacija Pravilnika o primjeni kontnog okvira društva za osiguranje i reosiguranje ("Službene novine Federacije BiH", broj 83/09).
37	Plaće, porezi i doprinosi	Plaće, porezi i doprinosi - iznos troška evidentiran na grupi konta 47 - Troškovi zaposlenih Pravilnika o primjeni kontnog okvira društva za osiguranje i reosiguranje ("Službene novine Federacije BiH", broj 83/09).
38	Ostali troškovi uprave	Ostali troškovi uprave predstavljaju iznos svih troškova osim troškova vezanih za štete, pribavu, ulaganja, amortizaciju i troškove zaposlenih.
39	Provizija od reosiguratelja	Provizija od reosiguratelja predstavlja iznos prihoda koje je društvo ostvarilo na osnovu provizije koja proizilazi iz ugovora o reosiguranju.
40	Provizija	Provizija predstavlja iznos troška koji je nastao po osnovu zaključenih ugovora o posredovanju sa licima ovlaštenim za posredovanje na osnovu Zakona o posredovanju uprivatnom osiguranju ("Službene novine Federacije BiH", br. 22/05, 8/10 i 30/16).
41	Ostali troškovi pribave	Ostali troškovi pribave predstavljaju iznos troškova koje je društvo za osiguranje evidentiralo na grupi 43 - Troškovi pribave ("Službene novine Federacije BiH", broj 83/09), bez troškova nastalih po osnovu provizije po ugovorima o posredovanju i promjene razgraničenih troškova pribave.
42	Promjen razgraničenih troškova pribave (+/-)	Promjena razgraničenih troškova pribave predstavlja iznos koji se dobije kao razlika stanja razgraničenih troškova pribave na početku izvještajnog perioda i stanja razgraničenih troškova pribave na kraju izvještajnog perioda. Konto 433 - Promjena razgraničenih troškova pribave osiguranja ("Službene novine Federacije BiH", broj 83/09).
43	Stanje razgraničenih troškova pribave na dan 31.12.	Stanje razgraničenih troškova pribave predstavlja iznos razgraničenih troškova pribave koji se dobije obračunom definisanim u Obrascu RTP kako je definisano Uputstvom o vrednovanju bilansnih i vanbilansnih pozicija ("Službene novine Federacije BiH", broj 2/18).
44	Rezerve za rente	Rezerve za rente predstavljaju iznos rentnih šteta iz ugovora o osiguranju iz odgovornosti, koju društvo posebno iskazuje. Iznos prijavljenih šteta koji se isplaćuje u obliku renti utvrđuje se aktuarskim metodama kao sadašnja vrijednost budućih obaveza (kapitalizirana vrijednost).
45	Rezervacije za kolebanje šteta	Rezervacija za kolebanje šteta predstavlja iznos rezervacije koju društvo za osiguranje formira sa svrhom izravnanja neravnomjernog nastajanja štetnih događaja, iste se formiraju ako društvo za osiguranje obavlja poslove osiguranja kredita, osim ako ugovorima o osiguranju ne pokriva samo rizik smrtnosti, nezgode ili nesposobnosti za rad zbog zdravstvenog stanja.
46	Rezervacija za bonuse i popuste	Rezervacija za bonuse i popuste formiraju se u visini iznosa na čiju isplatu imaju pravo osiguranici na osnovu:

		sudjelovanja u dobiti iz njihovih osiguranja, odnosno drugih prava na osnovu ugovora o osiguranju (bonusi), osim ako se za ta osiguranja oblikuje matematička rezerva; budućeg djelomičnog sniženja premije (popusti); povrata dijela premije za neiskorišteno vrijeme osiguranja zbog prijevremenog prestanka osiguranja (storno).
47	Ostale rezervacije	Ostale rezervacije predstavljaju druge tehničke rezerve prema računovodstvenim propisima koje izračunava društvo za osiguranje prema izabranoj aktuarskoj metodi s obzirom na predviđene buduće obaveze i rizike od velikih šteta koje proizlaze iz ugovora o osiguranju odnosno ugovora o reosiguranju od odgovornosti za nuklearne štete ili odgovornosti proizvođača za farmaceutske proizvode, zemljotresa, poplave te druge obaveze i rizike u vezi kojih ne oblikuje: rezerve za prijenosne premije, rezerve za bonuse i popuste, rezerve šteta, posebne rezerve, rezerve za kolebanje šteta i matematičke rezerve.
48	Vlastita mreža	Vlastita mreža predstavlja uposlenike društva za osiguranje koji su direktno angažovani na policiranju premije.
49	Zastupnici u osiguranju	Zastupnici u osiguranju predstavljaju posrednike koji su sa društvom za osiguranje sklopili ugovor o posredovanju u skladu sa odredbama Zakona o posredovanju uprivatnom osiguranju ("Službene novine Federacije BiH", br. 22/05, 8/10 i 30/16).
50	Brokери u osiguranju	Brokери u osiguranju predstavljaju posrednike koji su sa društvom za osiguranje sklopili ugovor o posredovanju u skladu sa odredbama Zakona o posredovanju u privatnom osiguranju ("Službene novine Federacije BiH", br. 22/05, 8/10 i 30/16).
51	Aktivan posao	Aktivan posao društva za reosiguranje predstavlja poslovanje reosiguravajućeg društva kojim preuzima u pokriće rizike od drugih društava.
52	Pasivan posao	Pasivan posao društva za reosiguranje predstavlja poslovanje reosiguravajućeg društva kojim predaje u pokriće rizike drugim društvima.
53	Prvi put prijavljena šteta	Prvi put prijavljena šteta je nastala šteta za koju je društvo za osiguranje prvi put dobilo prijavu ili zahtjev ili saznanje u tekućem obračunskom periodu.
54	Reaktivirana šteta	Reaktivirana šteta je šteta koja je nastala i radi nadoknade bila prijavljena i riješena u nekom prethodnom obračunskom periodu, pa je ponovo otvorena u tekućoj godini.
55	Regresna potraživanja	Regresno potraživanje predstavlja potraživanje koje nastaje kada društvo za osiguranje ima pravo da potraži iznos isplaćene štete oštećenom od osobe odgovorne za štetu.
56	Prihod po osnovu provizije za izdate police neživotnih osiguranja	Prihod ostvaren na osnovu faktura za proviziju obračunatu u skladu sa ugovorom o posredovanju za izdate police neživotnog osiguranja
57	Prihod po osnovu provizije za izdate police životnih osiguranja	Prihod ostvaren na osnovu faktura za proviziju obračunatu u skladu sa ugovorom o posredovanju za izdate police životnog osiguranja.
58	Ostali prihodi nastali po osnovu posredovanja u osiguranju	Drugi prihodi nastali po osnovu poslova posredovanja u osiguranju.
59	Troškovi plata i naknade zaposlenim angažovanim na poslovima posredovanja u osiguranju	Pripadajući dio troškova zaposlenika na poslovima posredovanja u osiguranju, raspoređen prema internom aktu u kojem je definisan ključ za distribuciju/obračun.
60	Ostali troškovi poslova posredovanja u osiguranju	Drugi rashodi nastali po osnovu poslova posredovanja u osiguranju.
64	Procenat ugovorene provizije	Procenat provizije definisan u ugovoru o posredovanju.